



3537  
2  
5  
2



383A  
2

*[Faint, illegible text, possibly bleed-through from the reverse side]*

*[Blank page with faint grid lines]*

特

門 5  
號 3537  
卷 2

重修揚州府志卷之一

巡幸志

一 恩綸

觀民設教典重省方隋山翁河制隆哀對粵自虞帝洎  
於有周書冊光昭禕乎尙已我

朝

重熙累洽

世德作求

聖祖仁皇帝軫念南邦

翠華親莅

高宗純皇帝式遵



重刊易州府志 卷之二  
祖烈先後六巡洪惟祇奉

慈寧祝

釐介祉

湛恩溥被悉浹洽於

春旗玉軟之間而河務民生尤關

宵旰是以

鑿輿所至不憚勤求敬繹

綸音洵如雨露之莫私一物也至於

帝歌庸作

寶翰頻頒揚郡仰荷

豫遊屢邀

榮遇允宜臚陳

渥典紀實揚

麻並以補前志之闕焉

康熙二十三年 月 日奉

上諭朕車駕南巡省民疾苦路經高郵寶應等處見民間廬舍  
田疇被水淹沒朕心深爲軫念詢問其故具悉梗槩寶高等  
處湖水下流原有海口以年久沙淤遂至壅塞今將入海故  
道濬治通深可免水患自是往還每念及此不忍於懷此一  
方生靈必圖拯濟安全咸使得所始稱朕意遣官往被水災

州縣逐一詳勘於旬日覆奏務期濟民除患縱多經費在所不惜

康熙二十三年 月 日奉

上諭朕觀高家堰地勢高於寶應高郵諸水數倍前人於此作石堤障水實爲淮揚屏蔽且使洪澤湖與淮水并力敵黃衝刷淤沙關係最重今高家堰舊口及周家橋翟壩修築雖久仍須歲歲防護不可輕視以隳前功

康熙二十八年 月 日奉

上諭前總河回奏天長盱眙六合等處雨水俱是洪澤湖入高郵諸湖湖水漸溢田廬往往淹沒聞土著之民言天長盱眙六合舊有河通江其形尙存今若疏濬以分天長盱眙六合雨水及淮河之水歸之於江則淮流減而不溢堤岸不致衝決所注下河之水亦少而易涸矣朕於治河之事究心年久所閱治河諸書甚多黃淮水勢相敵則清口刷而海口通淮水弱則黃水倒灌湖底淤墊堤勢危而海口塞矣此乃自古不易之定理況先年因高家堰衝決灌水東流無抵黃之力黃水倒灌湖底淤墊海口閉塞此卽其實驗也高家堰既有減水壩不可又令分流使淮河水弱倘遇大澇之年淮水盛漲出清口不及則堤必受傷朕意以總河所奏亦有可行何則通江之河若果挑濬必於淮水會合之處修置板牖苟淮

重刊縣志 卷之一  
水盛漲則啓牖以分其流淮黃均敵則閉牖不令旁溢如此庶可無患且天長六合盱眙諸處雨水亦有所宣洩準此而行自應有益無損

康熙三十八年 月 日奉

上諭河道之壞皆由河身淤墊所致若不深濬河身徒培高堤防則河身愈高必致倒灌清口而於河道終無所濟比年水潦每將洪澤湖水引注高寶遂爲高寶民生之害河身若不深濬但挑下河只可洩上流泛濫之浮水其窪下積水斷不能出朕當親往視之

康熙三十八年五月 日奉

上諭戶禮二部朕子育黎元勤求治理日孜孜以施德澤厚民生爲急務而江浙二省尤東南要地朕時切軫念比歲以來蠲豁田賦賑濟凶荒有請必行無災不恤雖漕項錢糧向未蠲免者亦曾經特旨蠲免愛養之道備極周詳庶幾民生日益康阜用是乘輿時邁於視河事竣巡歷江浙諮訪民間情形見淮揚一路旣困潦災而他所過州縣察其耕穫之盈虛市廛之贏絀視十年以前實爲不及此皆由地方有司奉行不善不能使實惠及民所以小民雖懷愛戴之誠而朝廷恩澤卒未下究朕目擊屢懷亟思拯卹截留漕糧寬免積欠已另諭旨惟各鹽差關差向因軍需繁費於正額外令在差員

以所私得贏餘交納充用念各官孰肯自捐私橐勢必仍行苛取商瘠民困均坐此弊著將加增銀一槩停罷以紓商民之累其兩淮鹽課康熙十六年曾加增四十萬兩今恐商人辦課維艱漸至匱乏著減去二十萬兩此外有應行應革事宜朕還都以後仍加商確次第舉行該督撫藩臬皆地方大吏亦著悉心體訪凡有可爲民興利除害者作速勘實陳奏嚴革雜派禁止刁訟然後胥吏不能作姦良民得以安業倘官吏有悖旨妄行者許商民首告該督撫察出卽行參奏朕視民如傷惟恐一夫不獲其所茲值海宇昇平兵革不事正當與民休息之時故特渙沛德音減征寬稅以爲閭閻留有餘之力萬一嗣後別有急需或不得已而稍議加增想在小民亦能共諒朕懷輸將之恐後也至於江南浙江人文稱盛入學名數前已酌定增額今著於府學大學小學各增五名舉行一次以示獎勵人才至意爾二部卽遵諭行特諭

康熙三十八年 月 日奉

上諭朕留心河務體訪已久此來沿途出坐艫首審視黃河之水見河身漸高登堤用水平測量見河較高於田行視清口高家堰則洪澤湖水低黃河水高以致河水逆流入湖湖水無從得出泛溢於興化鹽城等七縣此災之所由生也沿河上策惟以深濬河身爲要諸臣並無言及此者誠能深濬河

底則洪澤湖水直達黃河七州縣無泛濫之患民間田產自然涸出不治其源徒治下流終無裨益今朕親闕下河到海之口及射陽湖一帶填淤之處河道總督所帶効力人員甚多可作速分委并力開濬蓄積之水倘能稱洩亦有益也至於黃淮二河交會之口過於徑直所以黃水常逆流而入今宜將黃河南岸近淮之堤更迤東長二三里築令堅固淮水近河之堤亦迤東灣曲拓築使之斜行會流則黃河之水不至倒灌入淮矣再河流不迅急無以刷去河底之沙朕詳加諮訪河直則溜自急溜急則沙自刷而河自深宜於清口之西數曲灣處試行濬直如直濬有益漸將上流曲處歲加直濬庶幾黃河之險自除而河底漸深洪澤湖之水漸出七州縣之水患可漸息矣

康熙三十八年 月 日奉

上諭朕昨駐蹕界首用水平測量河水比湖水高四尺八寸湖水似不能越此堤而入運河但當湖石堤被水汕壞工程甚屬緊要著差賢能官員作速查驗趨工修理

康熙三十八年 月 日奉

上諭初六日到清水潭九里等處測量水平看得河水與湖水相高二尺三寸九分此一帶隔湖石堤關係緊要宜速行修築朕在此處步行看工未見一做工人員著察明參處至高



郵等處河水向湖而流河水似高一尺乘黃水未深通之前此等處堤工雖一丈不可忽略不可不急速僱築爲此特諭

康熙三十八年 月 日奉

上諭朕自淮南一路詳閱河道測算高郵以上河水比湖水高四尺八寸自高郵至邵伯河水比湖水始見平等應將高郵以上當湖堤岸高郵以下河之東堤俱修築堅固有月堤處照舊存留有應修堤岸仍照舊堤堅築至於邵伯地方因無當湖堤岸河湖合而爲一不必修築堤岸聽其流行高郵東岸之滾水壩涵洞俱不必用將湖水河水俱由芒稻河入字河引出歸江入江之河口如有淺處責令挑深如此修治則湖水河水俱歸大江各河之水既不歸下河下河自可不必挑濬矣

康熙三十八年 月 日奉

上諭朕巡閱河道將高郵州之湖與河水比量河水高四尺餘夫湖水既低四尺有餘縱水長一丈亦不至泛越且湖水亦斷不至高長丈許朕意欲暫留毛城舖高家堰等處減水壩將高郵以北減水壩盡行堵塞使在西之水不得泛越則下河之水歸海而河道湖身皆出其時作何導濬再行定奪至於邵伯以南河湖合流奔江歸海想不至於衝決其他處河道朕亦可保無虞獨黃河工程尙難決定相其形勢當緩

圖之

康熙三十八年 月 日奉

上諭黃河灣曲之處俱應挑挖引河乘勢取直高郵州等處運河越堤灣曲亦著取直

康熙三十八年 月 日奉

上諭朕此番南巡徧閱河工大約已成功矣向來黃河水高六尺淮河水低六尺不能敵黃所以常患淤墊今將六牖堵閉洪澤湖水高力能敵黃則運河不致有倒灌之患此河工之所以能告成也朕自御極以來無時不以民生爲念雖纖悉之事不肯怠忽今四十餘年矣四海乂安民生富庶河工適又告成頒詔天下大加恩賚

康熙四十四年 月 日奉

上諭河工已經告成善後方略更爲緊要朕今親臨閱視修建天妃牖甚當倘黃水長至五六尺清水不長勢弱不能敵黃黃水自然倒灌亦必致之理豈可因此卽謂治河失策乎若遇倒灌卽將天妃牖暫時下板蓄清水全力敵黃不過數日黃水卽退遇糧船過時卽起板開放若黃水不灌入不必下板其惠濟祠一帶雖建有石工但運河與黃河只有一線之堤若黃溜衝刷石工恐不足恃可於上下適中之處相度形勢修建挑水壩三四處挑溜開行其王公堤亦應相度形勢

重修揚州府志 卷之一  
修建挑水壩運河東堤保守最爲緊要堤岸應行加幫高郵迤南湖河水勢相平界首迤南河水高於湖水東西兩堤卑薄應幫修可量建石工淮安近城堤岸卑薄之處亦應相度形勢修建石工黃河南岸堤工關係緊要應加謹修防

康熙四十六年 月 日奉

上諭朕自甲子年至今六次南巡詳觀河形一年異於一年治河之道當看何處關係緊要便保守何處不可執一自古治河皆順水性爲今之計但當商酌使淮水少洩其流乘水未長時預爲綢繆將來水雖大長必不致於危險天然壩一帶舊有河形當挑濬此河酌量可容糧艘建立厠座水小則閉厠蓄湖水以敵黃水大則開厠使之暢流一面由武家墩通至運河一面通至高郵湖則商民船隻皆得長行似爲永久利益

康熙四十六年 月 日奉

上諭古今治河形勢不同舊時常患清水不足以敵黃水每有黃水倒灌之虞今清水敵黃有餘運河清水甚大反流入高郵湖設高郵湖水長溢入運河則運河東堤受險少有踈虞雖堵塞不難而民生田廬不可問矣應加謹防護以保無虞清口湖水七分敵黃三分濟運今應將大墩分水處西岸草壩再加寬大挑清水多出黃河一分則運河東堤不致受險

又於蔣家壩開河建牐引水由人字河芒稻河下江由下河及廟灣等處入海不惟洪澤湖之水可以宣洩而盱眙泗州積水田地亦漸次涸出水小則下板蓄水敵黃水大則啓板洩水且便於商民舟楫往來其祥符牐口門甚窄趁此黃水不甚高之時委幹員將歸仁安仁利仁三牐改寬洩水則徐州一帶民田可無淹沒之虞

乾隆十四年十月初五日奉

上諭江南督撫等以該省紳耆士庶望幸心殷合辭奏請南巡朕以鉅典攸關特命廷臣集議今經大學士九卿等援據經史且仰稽

聖祖仁皇帝六巡江浙謨烈光昭允宜俯從所請朕軫念民依省方問俗郊圻近省不憚躬勤鑿輅江左地廣人稠素所厯念其官方戎政河務海防與凡閭閻疾苦無非事者第程途稍遠十餘年來未遑舉行屢嘗敬讀

聖祖實錄備載前後南巡恭侍

皇太后鑾輿羣黎扶老攜幼夾道歡迎交頌

天家孝德心甚慕焉朕巡幸所至悉奉

聖母皇太后遊賞江南名勝甲於天下朕親掖

安輿眺覽山川之佳秀民物之豐美良足以娛暢

慈懷旣詢謀僉同應依議允從所請但朕將以明年秋幸五臺

經太原歷嵩洛趙魏回鑿已涉冬令南巡之舉當在辛未年春正我

聖母六旬萬壽之年也將見巷舞衢歌騰歡獻

祝稱朕以天下養之至愛上以廣承

歡之慶下以慰望幸之忱益深嘉悅屆期諏吉以聞嚮道人員朕酌量先期簡派前往清蹕所至簡約儀衛一切出自內府無煩有司供億至行營宿頓不過偶一經臨卽暫停亦不逾旬日前歲山左過求華麗多耗物力朕甚不取曾經降旨申飭明歲晉豫等省以及江南俱不可倣效至名山古蹟南省尤多亦只掃除潔淨足備臨觀而已無事崇飾倘有傾圮隨宜補葺悉令動用官項且有吉慶所奏淮南商願捐之項可以報銷但當核實不得任有司浮冒其民間張燈結綵聖祖嘗以爲戒載在方冊宜共恪遵其慎勿以華侈相尙所司通行曉諭其一切應行典禮著照所議行

乾隆十五年八月二十八日內閣奉

上諭朕明春巡幸江浙淮揚河路運鹽船隻未便絡繹往來現據兩淮鹽政吉慶奏請於本年十月將鹽斤預運四十萬引以資接濟朕思該商等先期趕辦一切起駁掣貯無不耗費著加恩將本年冬季所運之辛未綱鹽准其每引加耗二十觔俾商力充裕自與江廣民食有益該部卽行文該鹽政知

之

乾隆十六年二月初九日奉

上諭朕稽古時巡省方問俗直隸屢經臨幸地方供頓辦理夙有章程山左山右曾准商捐於閭閻並無擾累茲當巡幸江南地方官初次承辦大差距

皇祖南巡已四十餘年舊章難於稽考深慮其辦理拮据或致有累民力今兩淮商人踴躍急公捐輸報効地方官一應公務務俱於此取給可信其無絲毫擾累閭閻而辦理工程貧民更得資其利賴於生計轉有裨益甚屬可嘉著加恩各按其本身職銜加頂帶一級以示朕恤商爲民至意

乾隆十六年二月十六日內閣奉

上諭朕省方所至廣沛恩膏前因兩淮眾商踴躍急公業已加恩優獎更念其運綱輸課接濟民食恤商斯足以惠民特行再佈殊恩着將兩淮綱鹽食鹽於正額外每引賞加一十觔不在原定成本之內俾得永遠沾受實惠商人仰體博愛敦本至意風俗雖不必驟更近一分返樸之心卽遠一分極奢之念值息毋取其三倍減一分售鹽之價卽利一分食鹽之人其有昂值網利致累閭閻則深負加恩德意該鹽政其通示眾商知之

乾隆十六年二月二十四日內閣奉

上諭江南揚州府屬之興化縣積淹荒廢田畝錢糧久經停緩後歸冬勘辦理於乾隆九年起按年勘報豁糧其元年至八年原緩未完銀米麥石仍應分別催輸荒戶殊屬拮据朕翠華南巡廣敷惠澤著將此項原緩未完銀米麥石一並查明加恩豁免以甦民困該部遵諭速行

乾隆十六年四月初十日奉

上諭洪澤湖上承清淮泗潁諸水匯爲巨浸所恃以保障者惟高堰一堤天然壩乃其尾閭伏秋盛漲輒開此壩洩之而下游諸州縣胥被其患冬月清水勢弱不能刷黃往往濁流倒灌在下游居民深以開壩爲懼而河臣轉借爲防險秘鑰二

者恒相持朕南巡親臨高堰循堤而南越三滾壩至蔣家牯周覽形勢乃知天然壩斷不可開夫設堤以衛民也堤設而民仍被其災設之何用若第爲掣流緩漲自保上游險要各工而鄰國爲壑田廬淹沒弗復顧惜此豈國家建立石堤保護生靈本意耶爲河臣者固不當如此存心也天然壩當立石永禁開放以杜絕妄見近者河督大學士高斌副總河巡撫張師載於開天然壩之說亦深以爲非而請於三滾壩外增建石滾壩以資宣洩朕親臨閱視謂增三爲五卽以過水一二尺言之向過三尺者卽爲五尺向過六尺者增而至丈是與天然壩名異實同人必有議其巧避開壩之名而陰襲

其用者自當爲之限制上年滾壩過水三尺五寸天然壩仍未開放應卽以是爲準俾五壩石面高下維均以仁義禮智信爲之次仁義禮三壩一如其舊智信二壩則於石壩之上加封浮土必仁義禮三壩已過水三尺五寸猶不足以減盛漲則啓智壩之土仍不減乃次及於信斯爲節宣有度較之開天然壩之一往莫禦者懸殊矣再高堰石堤至南滾壩以南舊用土工石堤有首無尾形勢不稱應自新壩北鴈翅以北一律改建石工南鴈翅以南至蔣家牯水勢益平則石基甃甃如此方首尾完固屹如金湯永爲淮揚利賴至洪湖束水藉以刷黃而上游宿虹鳳潁諸邑歲被水患議者謂洪湖盛漲諸邑先被其災洩洪水仍於上游無補自朕觀之漲減則上游之漫溢者亦減此固在封疆大吏於未被水時先事綢繆而司水土者亦未可以閤閤休戚非已職掌所在而專以束水保堤爲得計也河工宿弊不可枚舉而無益之費尤多或明知無用而因循弛廢或陰以爲利而妄事興修高斌張師載於此雖能持正如茆家圩頭二草壩固已廢所當廢而此外無益之費卽以朕巡視高堰一壩之內已不勝屈指數然屬員已議其不發帑不興工矣朕觀河臣管領河漕數千里民命所係視督撫綏輯一二省者爲難冒涉風雨守護堤防亦視督撫坐辦案牘者爲勞而督撫職在刑名錢穀事



有實據是非難掩河臣遵守章程可以福命苟安無事則其任較易歷年河臣不乏表表尸祝之輩而糜帑養患有罪無功其識機宜得關鍵實著功效者幾人哉果使全不興工則置民瘼於不問河臣幾於虛設固無此政體如其糜脂膏以擲虛牝則蠹弊之最巨者總之河不可不治而無循其虛名工不可不興而必歸於實用斯爲至要昔我

皇祖聖祖仁皇帝屢幸南河

躬親指示平成睿畧萬世永賴朕何能仰企一二卽今臨視有所籌畫亦不敢自信爲必不可易惟愛養黎元揆理度務崇實敦本兢兢業業之衷可共白耳將此詳悉宣諭中外臣民其庀材興工一切應行事宜河臣會同督臣按例確估具題

乾隆二十年六月初三日奉

上諭明年南巡一應預備事宜已降旨該督撫等令其樽節妥辦矣所有各處行宮內從前皆陳設玩器此等物件或係假借應用或用重價購買承辦之員往往張皇其事藉以邀結上司而對人則苦稱賠累卽鄉紳鋪戶亦紛然傳爲口實在朕不過偶爾駐蹕而伊等先期多方覓置至臨時又或照料不及易至遺失甚至不肖家人胥役卽有乘間藏匿者種種情弊俱所不免此次南巡除揚州之高旻寺行宮原係商人自行置辦仍聽預備但須交收清楚外其餘各處行宮槩無

得陳設玩器惟潔靜軒窗布置裊褥足供頓宿可矣若羅列  
廣鼎以圖飾觀甚屬無謂殊可不必將此傳諭該督撫等務  
各凜遵倘仍前預備必於尹繼善塔爾吉善等是問

乾隆二十年六月十九日奉

上諭朕明歲南巡一應務從簡樸之處已屢降旨曉諭該督等  
矣茲據尹繼善奏稱從前未及登臨之地如寒山別墅石湖  
石佛寺棲霞山等處一併酌量興修以備省覽等語此等處  
皆與行宮相去不遠間或登臨眺覽俱可即日往返無庸駐  
蹕只當就山寺原有屋宇可以憩坐之處量爲掃除不可專  
構行宮以滋糜費且修葺費用一併於普福所奏商捐內動  
支其舊會駐蹕處所外新預備之處可畫圖來呈覽將此傳  
諭尹繼善知之

乾隆二十一年閏九月二十四日內閣奉

上諭兩淮鹽政普福奏稱明春南巡所有淮揚一帶運鹽船隻  
於今年十月內令該商等先期預運四十餘萬引堆積儀所  
以資來歲江廣食用等語此項鹽引先期預運堆貯不無滷  
耗著加恩照十六年之例每引加耗二十觔以裕民食以紓  
商力

乾隆二十二年二月初二日奉

上諭朕翠華南幸載莅江淮問俗省方宏敷愷澤而兩淮眾商

皆未登仕版之人其承辦差務踴躍急公宜沛特恩以示獎勵伊等本身原有職銜如已至三品者俱著賞給奉宸苑卿銜其未至三品者俱各加頂帶一級

乾隆二十二年二月初三日內閣奉

上諭兩淮辦差商眾現已加恩優敘更念該商等銷引辦課歲額通完而於地方公事更樂輸恐後卽如前歲江省災務在國家之撫卹雖已逾數千萬而淮揚煮賑半出商捐其桑梓任卹之誼深可嘉予著再加恩自丁丑綱爲始綱鹽食鹽每引加賞十觔不在原定成本之內以二年爲限庶民力旣足而商力亦紓以示卹商愛民之意

乾隆二十二年二月初五日內閣奉

上諭朕清蹕時巡勤求民隱而兩淮僻處海濱生計勞苦尤堪軫卹所有乾隆十七十八十九等年停緩帶徵竈欠未完折價銀三萬八千餘兩著加恩一體豁免以普惠澤

乾隆二十二年四月初四日內閣奉

上諭河工爲運道生民所繫朕宵旰憂勤時深厯念茲者翠華南幸於高堰清口及徐州等處工程親臨閱視並與司河務諸臣詳加籌酌現今伏汛將屆且近河皆積歉之區貧民甚多以工代賑於窮黎有益而於工程亦易集事白鍾山身任總河工務自其專責但以目今時勢所有應疏應築事宜同時

並舉朕意分任大臣以專其事當可速收實效黃河至徐州漸窄北岸蘇家山一帶又復迫東大溜近城石壩誠爲最要從前已有者應加幫以培其勢從前所無者應接築以重其防著尙書劉統勳率該道王鴻勳錢度善爲經理加緊督催務於伏汛前竣功以資防護而備料集事尹繼善亦不得辭其責其六塘河以下爲沂沭諸水下游現有餘潦停積桃源宿遷諸縣阻黃臨運爲堤堰所隔積水無由宣洩窪地多成巨浸農民失業堪憫或應添建滾壩或應酌建涵洞或開導溝渠瀦爲陂澤水減一分則民間受一分之益著侍郎夢麟率該道吳嗣爵同知李宏等速行確勘次第妥協辦理至下河高寶諸湖之水入江入海各有分途小港支渠排比行列但或淤或淺以致水無所歸不特沿海興鹽七邑被其患而高寶首當其衝城垣廬舍亦重爲可慮當使近江者入江近海者歸海條理井然深通暢達不致泛濫田畝則所全實多嵇璜前奏請於昭關設滾壩一座滾壩之下復開支河南關舊壩改建滾水石壩此項工程並一應支河卽著嵇璜率同何焯董其事諸臣當仰體朕焦勞至意諸事公同商酌和衷共濟聯爲一體毋稍分畛域各持意見蓋治河非他政務可比非卓識遠慮明於全局又不執己見廣咨博採而能應機決策其委用河汎員弁則一本大公好惡毫無偏徇備此數

者庶或有濟顧安得斯人而授之重任耶且可興建埽壩各工率以意增益一經準建歲歲加修其以險化平停止者百不一二此或因河臣沿襲因循漫不省視更或故留爲河員養贍計所謂帑歸實用者固如是耶卽欲爲河員計與其留此無用之工何不移之有用之地亦可資其搶護不致潰決成災此皆不能慮患於事先惟求苟免於無事一經決裂雖悔何追此司河務諸臣所當銘刻提撕奉爲炯戒也徐城南北各工現今培厚加高者仍令張師載高晉分辦務於四月完竣後交白鍾山收工各回本任現今各工應需一切物料並著會同總督尹繼善巡撫愛必達高晉等酌辦其有需豫東二省協濟者卽行知圖爾炳阿鶴年隨時撥運總期迅速鳩工疏濬得宜隄防鞏固於運道民生兩有裨益以副朕慎重河防至意

乾隆二十六年三月二十日戶部奉

上諭朕恭奉

太后慈輦南巡途次建設行宮不過供頓宿原無事過於勞費乃揚州所建行宮從前吉慶爲鹽政時其繕葺已覺較華而普福任內必求爭勝於吉慶今聞高恒所辦則又意在駕普福而上之踵事增華長此安窮朕向來巡幸所至一切供帳俱取給公帑從無絲毫累及閭閻前後屢經諄諄及之

臣民所共悉者商人亦吾赤子豈於百姓則恤之而於商人則累之耶雖伊等抒誠襄事實皆出於至誠亦應量爲節制以省糜費至於兩淮鹽務經費浩繁商力不無拮据如預提餘引一事從前吉慶係派之通綱而普福高恒則擇其奮勉辦事者以爲酬獎之地其中卽不能允協羣情其應作何立定章程著軍機大臣會同尹繼善吉慶高恒等詳悉妥議具奏

乾隆二十六年十一月二十日內閣奉

上諭高恒奏兩淮商人等呈稱世享昇平受恩優渥明春恭遇省方盛典行慶施惠情愿公捐銀一百萬兩以備賞賚等語

明歲朕恭奉

聖母安輿巡幸江浙一應推

恩錫賚俱經各衙門照例動用正項預辦第該商等奏稱踴躍急公今旣抒誠籲懇情詞肫切著於此內撥銀三十萬兩交於尹繼善辦理差務卽賞給兩淮二十萬兩爲伊等修理行宮等項之需著留十萬兩以備賞賜其餘四十萬兩着交河南巡撫胡寶瑤備充工程賑恤之用該商等並著交部議敘以示嘉獎

乾隆二十七年二月初三日內閣奉

上諭上年曾降旨於兩淮運庫內撥銀三十萬兩交與總督尹

繼善辦理差務但恐尙有不敷著高恒於運庫內酌量再撥銀二十萬兩以爲添補辦差之用

乾隆二十七年二月十四日奉

上諭朕此次南巡所有兩淮商承辦差務皆能踴躍急公宜沛特恩以示獎勵其已加奉宸苑卿之黃履暹洪徵治江春吳禧祖各加一級已加按察使銜之徐士業汪立德王勛俱著加奉宸苑卿銜李志勳汪秉德畢本恕汪燾著加按察使銜程徵榮著賞給六品職銜程揚宗程均吳山玉汪長馨俱著各加一級

乾隆二十七年二月十四日內閣奉

上諭兩淮商稅現已加恩優叙更念該商銷引辦課歲額通完而於承辦差務尤爲踴躍急公深堪嘉予著再加恩自壬午綱爲始綱鹽食鹽每引加賞十觔不在原定成本之內以二年爲限庶民食旣足而商力亦紓用示恤商愛民之意

乾隆二十七年二月十四日內閣奉

上諭朕此次南巡省方問俗翠華所過慶典時行念兩淮竈戶僻處海濱生計殊爲艱苦所有從前帶徵未完折價銀九千餘兩加恩一體豁免以示優恤

乾隆二十七年四月初六日內閣奉

上諭江南瀕臨湖河沮洳之區南則高寶甘泉北則宿清海沐

各屬最稱窪下每遇伏秋大汛霖潦堪虞而下游蓄洩機宜  
惟洪澤一湖尤爲橐籥關鍵朕早夜勤思爲澤國生民求保  
障安全之計疇咨所及中外臣工持議各憑所見非親巡規  
畫難定折衷昨駐蹕蘇城時先命大學士劉統勳協辦大學  
士兆惠會同督撫河臣將歸江歸海各路詳勘標誌朕回鑾  
取道按閱講求指示在高寶一帶應宣導歸江者自邵伯以  
下如灣頭牯壁虎橋鳳橋等處河身寬展足資分洩惟金  
灣滾壩寬五十丈而新挑引河僅寬十五丈底寬八丈未能  
暢達應再爲展寬以河底十丈爲率迤下地勢稍仰並一律  
挑濬深通俾稱建瓴之勢又東灣滾壩前年已改落低三尺  
而西灣壩尙仍其舊諸臣議請一體落低三尺朕量該處洩  
水情形至爲便捷應將西灣壩再加落一尺共低四尺則平  
日已有尺水入江循序而進庶可預減暴漲之勢其河頭亦  
加挑寬深以資利導設遇落水過多運河間有淺澀卽宜將  
淺處深挖以視小小切埂撈淤從事於河中者不猶愈乎其  
金灣六牯應拆去中二牯添建石壩接築土堤並量挑引渠  
以備盛漲湖水自無闕塞之患然此節節措置特爲三湖旁  
疏曲引起見耳若其溯源挈要爲釜底抽薪之策則莫如廣  
疏清口乃及今第一義現在測驗洪湖高堰五壩高於水面  
七尺及七尺五寸不等清口口門現寬二十丈當卽以此酌



定成算將來俟兩壩之水如再增長三尺清口不必議展仍存其蓄清之說設如由三尺長至四尺卽將清口拆寬十丈湖水以次遞長則清口以次遞寬總以上壩增一尺之水下口加開十丈之門爲準其或入夏後水勢一時不長旋長旋落則不必以口門旣展急事堵塞以過秋汛爲定逐漸收束清口仍至二十丈或十數丈如此則全湖勢暢以視求助於分支別派者其功奚啻倍蓰哉脫以清口拆堵費工鯁鯁過慮獨不思湖水浸溢下流所費更當何似以彼絜此其間輕重大小不待握算而知也至駱馬湖水由永濟橋東注爲六塘河源流旣遠所受支河甚多河中淤埂阻滯溜勢一遇暴漲猝難容洩田廬易致漫淹應視兩岸中間窄狹者再加寬展切去河中淤埂俾游波寬緩不致出槽堤身殘缺卑薄者量爲修補以資捍禦其六塘河尾閘橫經鹽河由東岸武障等河下洩入海原設條石滾壩爲過水之準其旁並設草壩水小則蓄水運鹽水漲則拆壩消水商利蓄而民害消彼此各爭其便當每年權其緩急利害立定期限以時啓閉庶於渠政有裨其草壩以下各有引河及六塘河北岸之丁家溝南岸之馬家河鮑營河形勢紆曲阻塞者均如諸臣所勘估挑辦理務使通流以達於海第六塘河修防事宜向無專設之員卽鹽河各壩亦非鹽務微員所能相機經理該督撫可

於通省事簡同知通判缺內議移一員駐高家溝適中地方仍應簡選能勝此任者奏聞補授俾專司水利及修防啓閉之事地方水利各員聽其調遣仍歸淮徐海道總轄亦聽總河節制務令宣防無誤而蓄洩合宜此皆朕目擊心維集眾議而取裁定制如此地方大吏其善體朕意實力奉行所有應添石壩土堤及一切挑挖疏濬各工該督撫河臣會同鹽政悉心確估核議以聞

乾隆三十年二月十六日奉

上諭朕此次南巡體卹兩淮眾商先期傳諭不令捐輸煩費而伊等趨事踴躍甚屬可嘉着加恩均照本身職銜各加一級

乾隆三十年閏二月十七日奉

上諭原任吏部尚書王安國之子生員王念孫着加恩賞給舉人一體會試

謹按念孫高郵人

高宗純皇帝垂念舊臣

恩頒異數故有此

賞延之諭因係

南巡

溫旨特恭載焉

乾隆四十五年二月初五日奉

上諭軍機大臣傳諭兩江總督薩載等各處行宮名勝於駕未到之前不許地方官及各員長隨與內庭太監說話凡有陳設應俟派出查點之員到後查交次日仍令伊等點還如平山堂等處商辦工程陳設亦不許商人與內廷太監說話亦俟派出之員到後查點從前太監張鳳認識商人皆由於此應以爲鑒

謹按

南巡盛舉渙沛

德音不可勝紀茲謹就其關於揚郡者臚次恭錄敬惟我

朝

家法

心法道一揆同迄今伏讀

詔章益仰

大聖人乾惕深衷雖偶一

巡行罔不以河防鹽法吏治民生爲念至於預申

誥誠崇樸黜華

鑾輅所經咸關

睿思所以

膏流愷布薄海知非事遊觀而

綸綍宣昭永垂萬古矣

乾隆四十七年七月初八日奉

上諭四庫全書現在頭分已經告竣其二三四分限於六年內按期歲事並特建文淵文溯文源文津四閣以供藏度因思江浙爲人文淵藪允宜廣布流傳以光文治現特發內帑銀兩僱覓書手再行繕寫全書三分分貯揚州大觀堂之文匯閣鎮江金山寺之文宗閣杭州聖因寺內今擬改建文瀾一閣以昭美備著傳諭陳輝祖伊齡阿盛住等所有大觀堂金山寺二處藏貯圖書集成處所其所空餘書格甚多即可收貯四庫全書若書格不敷著伊齡阿再行酌量添補至杭州聖因寺後之玉蘭堂着交陳輝祖盛住改建文瀾閣並安設書格備用伊齡阿盛住於文淵等閣書格式樣皆所素悉自能仿照妥辦至修建書格等項工費無多卽著兩淮浙江商人捐辦伊等情殷桑梓於此等嘉惠藝林之事自必踴躍觀成歡欣從事也將此各諭令知之

謹按揚州天寧寺大觀堂向會貯

欽頒古今圖書集成一部乾隆四十七年復

命將四庫全書繕寫一部分度於

文匯閣以光文治此

旨並乾隆五十五年

諭旨雖非

南巡時所頒但爲津逮藝林而

諭俾稽古之士獲觀美富殫見洽聞洵生其間者之幸也特恭

載以紀

文思之光被云

乾隆四十九年三月

日奉

上諭前因江浙爲人文淵藪特降諭旨發給內帑繕寫四庫全書三分於揚州文匯閣鎮江文宗閣杭州文瀾閣各藏皮一分原以嘉惠士林俾得就近鈔錄傳觀用光文治第恐地方大吏過於珍護讀書稽古之士無由得窺美富廣布流傳是千箱萬帙徒爲插架之供無裨觀摩之實殊非朕崇文舉典傳示無窮之意將來全書繕竣分貯三閣後如有願讀中秘書者許其陸續領出廣爲傳寫祇須派委妥員董率其事設立收發檔案登注明晰並曉諭借鈔士子加意珍惜毋致遺失污損俾藝林多士均得殫見洽聞以副朕樂育人才稽古右文之至意

乾隆五十五年五月二十五日奉

上諭四庫全書薈萃古今載籍至爲美備不特內府珍藏藉資乙覽亦欲流傳廣播沾溉藝林前因卷頁浩繁中多舛錯特令總纂等復加詳細讐校俾無魯魚亥豕之譌茲已釐訂葺工悉臻完善所有江浙兩省文宗文瀾文瀾三閣應貯全書

現在陸續頒發藏度該處爲人文淵藪嗜古好學之士自必羣思博覽藉廣見聞從前曾經降旨準其赴閣檢視鈔錄俾資蒐討但地方有司恐士子等繙閱污損過爲珍秘以阻其爭先快觀之忱則所領三分全書亦僅束之高閣轉非朕搜輯羣書津逮譽髦之意卽武英殿聚珍板諸書排印無多恐士子等亦未能全行購覓著該督撫等諄飭所屬俟貯閣全書排架齊集後諭令該省士子有願讀中秘書者許其呈明到閣鈔閱但不任其私自攜歸以致稍有遺失至文淵等閣禁地森嚴士人等固不便進內鈔閱但翰林院現有存貯底本如有情殷誦習者亦許其就近檢錄掌院不得勒阻留難如此廣爲傳播俾茹古者得觀生平未見互爲鈔錄傳之日久使石渠天祿之藏無不家弦戶誦益昭右文稽古嘉惠士林盛事不亦善乎

重修揚州府志卷之二

重修揚州府志卷之二

巡幸志二 宸章

聖祖仁皇帝御製

詩

幸天寧寺 康熙四十二年

空濛為洗竹風過惜殘梅鳥語當階樹雲行動早雷晨鐘接  
豹尾僧舍踏芳埃更覺清心賞塵襟笑口開

高郵湖見居民田廬多在水中因詢其故惻然念之

淮揚罹水災流波常浩浩龍艦偶經過一望類洲島田畝盡

沉淪舍廬半傾倒熒熒赤子民棲棲臥深潦對之心惕然無

策施襁褓夾岸羅黔黎跪陳進耆老諮諏不厭頻利弊細探  
討飢寒或有由良慙奉蒼顛古人念一夫何況觀枯槁凜凜  
夜不寐憂勤怒如擣亟圖濬治功拯濟須極早會當復故業  
咸令樂懷保

幸天寧寺

康熙四十四年

十里清溪曲叢篁入望深暖催梅信早水落草痕侵俗有魚  
爲業園饒笋作林民風愛淳樸不厭一登臨

幸茱萸灣行宮登五雲樓

財賦稱茲地時巡復此經春膏宜豆麥煙景遍林亭靡麗風  
應換敦龐訓屢形施恩頻已責聊爾翠華停

賜僧紀蔭詩并跋

春夢深沉新剎中陡聞清磬在鄰東方疑般若真非相不解  
金經盡是空鼻豎眉橫無著落胸寬意濶有塵籠毫光咫尺  
臨高眺滿目江干淑景融

覽奏章少倦甲夜得寢又被清磬驚醒復睡夢中作成起時  
已忘少半故前後增補以成四韻賜紀蔭和尚邇來未臨法  
書久不作字手澀難於運管字不甚佳

述懷近體詩并序

康熙四十六年

朕每至南方覽景物雅趣川澤秀麗者靡不賞玩移時也雖  
身居九五樂佳山水之情與眾何異但不至曠日持久有累



居民耳所以一日即過者亦恐後人錯借口實而不知其所  
以然也至於茱萸灣之行宮乃係鹽商百姓感恩之誠而建  
雖不與地方官吏但工價不下數千嘗覽漢書文帝惜露臺  
百金後世稱之況爲三宿所費十倍於此乎故作述懷近體  
一律以自警又黏之壁間以示維揚之眾

又駐塔灣見物華先存葦屋重桑麻惠風徧拂維揚市沛澤  
均霑吳越家作鑑道君開艮嶽長嘯煬帝溺瓊花澆胸經史  
安邦用莫遣爭能縱欲奢

幸靜慧園

紅欄橋轉白蘋灣疊石參差積翠間畫舸分流簾下水秋花  
倒影鏡中山風微瑤島歸雲近日落青霄舞鶴還乘興欲  
蘭沼詠偶從機務得餘閒

平山堂

宛轉平崗路向西山堂遺構白雲低簾前冬暖花仍發簷外  
風高鳥亂啼仙仗何嘗驚野夢鳴鑣偶爾過幽棲文章太守  
心偏憶

歐陽修自題平山堂  
詞有文章太守之句

墨灑龍香壁上題

文

高旻寺碑記

康熙四十三年

茱萸灣者乃維揚俗稱寶塔灣也居三岔河之中南眺金焦  
諸峯北枕蜀岡之麓足爲淮南勝地凡上江由儀徵下江由

瓜步至此皆會歸運河而北上也朕比歲以來躬臨河干咨詢經畫者屢矣每抵一處未嘗不懷保編氓施惠工商故兩淮鹽課永減額徵停輸贏羨又聞往來迎送費用私派者甚鉅特頒嚴旨盡為禁止從此商民得以安席漸皆獲所則朕之巡幸者少有益乎朕三十八年奉

皇太后鑾輿偕行晨昏侍養視河既畢勉從輿請濟江而南周覽吳會民生風俗見茱萸灣塔歲久寢圯朕欲頒內帑畧加修葺為

皇太后祝釐而眾商以被澤優渥不待期會踴躍赴功庀材協力惟恐或後不日告竣舊刹式廓鼎新莊嚴宏敞兼以翬飛傑閣憑高四眺臨大江通南北因書額賜之日高旻寺勒文於石垂示久遠惟是雨暘應時河海清晏一時共臻於仁壽之域斯四十餘年宵旰勤民之念所厚期也即此塔工蒞事具見羣情愛戴之誼出於至誠是亦有不可泯者爰為書之以志始末云康熙四十三年秋九月重陽日書

額

蕭閒 大寧寺

怡情 平山堂

留雲 觀音菴

存誠 龍光寺

龍光寺

香臺

龍光寺 以上康熙二十八年

皓月禪心

天寧寺

寄懷蘭竹

天寧寺

香阜寺

名香清梵

香阜寺

超岸寺

甘露門

超岸寺

息浪菴

化城寺

慈雲寺

西來法

興教寺

雲門雪竇

萬佛寺

以上康熙三十八年

高旻寺

雲表天風

高旻寺

般若妙源

天寧寺

靜慧園

化城寺

以上康熙四十二年

正誼明道

董子祠

淨因

天寧寺

平山堂

賢守清風 平山堂

澄曠 棲靈寺

蓮性寺

寶輪寺 以上康熙四十四年

晴川遠適 高旻寺

萊蔭軒 高旻寺

禪悅 高旻寺

凝遠 高旻寺

靜怡齋 高旻寺

黃灣勝覽 高旻寺

水月禪心 高旻寺

節媛芳躅 露筋祠

大智光 斗姥宮

靜慧寺 以上康熙四十六年

慈雲 北來寺

簡廉堂 智珠寺 以上二額未詳年分不敢妄注

聯

禪心澄水月法鼓聚魚龍 天寧寺 康熙三十八年

珠林春日永碧澈好風多 天寧寺 康熙四十二年

殿灑楊枝水鑪焚柏子香 高旻寺

龍歸法座聽禪偈鶴傍香烟養道心

高旻寺

蜀岡雲澹山光近江渚湖分水派清

高旻寺

真成佛國香雲界不數淮山桂樹叢

靜慧寺

蒲團竹几通宵坐掃地焚香白晝眠

化城寺

泉聲咽危石日色冷青松

化城寺

以上康熙四十四年

松梢香露滋瑤草庭畔薰風和玉琴

高旻寺

筆架書籤宜永日波光林影共清機

高旻寺

以上康熙四

隔岸數間斗室臨河一葉扁舟

智珠寺

高宗純皇帝御製

詩

高郵湖

乾隆十六年

淮南古澤國高郵更巨浸諸湖率滙茲萬頃波容任灑火含  
陰精孕珠符祥讖隄岸高於屋民居疑地甯嗟我水鄉民生  
計惟呂綵菱芡佐饗殮解艫待傭賃其樂實未見其艱亦已  
甚

舟過高郵

黃帽發謳歌樓船穩運河厘心籌澤國極目賞煙波春色柳  
梅綻江城士庶多

聖蹤隨處仰沙岸倚牂柯

邵伯鎮

重修揚州府志

卷之二

巡幸二

七

太傅隄存綠水潄惠方邵伯頌棠陰蘭舟緩過思遺躅絕勝  
東山絲竹音

維揚覽古

清晨解纜發秦郵落照維揚駐御舟岡有槍旗苑是蜀山纔  
培塿亦稱浮建牙鎮靜猶傳謝通守文章更紀歐寂寞隋隄  
煙柳在秋宵誰見亂螢流

維揚雨泛

風吹濕玉一絲絲甘里邗溝畫舫移望裏平山烟外隱到來  
初地岸旁宜已知利穡歡農父不用清塵謝雨師南方地濕  
率無塵土  
故敬讀穹碑欽

聖蹟承顏一例奉

慈帷

高旻寺有皇祖御製碑記塔灣行宮  
為奉寧壽宮皇太后南巡之故云

香阜寺

維舟對晚春登陸臨初地水鄉經數程見山已快意土阜縱  
無奇名與清涼配是處俗名小五臺文殊無小大而人紛位置丈室  
暫徬徨鑪香綴煙穗

高旻寺

蘭若青蓮宇浮圖碧落天名灣真不愧是處俗名塔灣埋鴈亦堪傳  
未縱晴明望誰忘言象詮金山不速客暫爾隱江煙高旻寺塔  
塔晴明  
可見金山故戲及之

重刊詩話卷之二  
塔灣行宮恭依

皇祖詩韻

南來遂處仰

重華此日重教韻和麻但得一心常守敬從知四海永爲家省  
方咨度惟耕織悅已奇衰戒鳥花數字行宮無藻績  
昭垂作法恐其奢

過維揚郡城

淮海維揚下下田茲看撲地聚人烟古今奚必無殊異豐嗇  
從來有轉旋藏富於民欣按轡返華以樸憶陳編百年休養  
八埏靖致此其難益慎旃

天寧寺小憩

昨朝望裏煙雲渺今日坐覺春光舒阿大中郎畱別業優粵  
比邱得廣居鳥是南音真愜聽花欺北地無虛譽平山更在  
綠雲外俯暢樓窗恰受虛

虹橋

綠波春水飲長虹錦纜徐牽碧鏡中真在橫披圖裏過平山  
迎面送香風

平山堂

梅花纔放爲春寒果見淮東第一觀馥馥清風來月牖枝枝  
畫意入雲欄蜀岡可是希吳苑永叔何曾遜謝安更喜翠峯

重刊揚州府志 卷之二  
餘積雪平章香色助清歡

平山堂雜詠

鏡川經幾曲艤棹陟山蹊蘭若真殊絕曾邀太白題  
巖松無偃蓋一一欲干霄禹貢還堪驗維揚厥木喬  
江南山盡下淮北野無邊勝地誰名此歐陽兩字傳  
玉梅香已發天竹紅且舊冀北盆中珍尋常煙野見  
齊諧以蜀傳茗葉未抽全且就攜來種試烹第五泉

詠平山堂梅花

平山萬樹發新花勝舉清遊兩可誇  
平山向無梅茲因南巡鹽商捐貲種萬樹既資清賞兼利貧民故不禁也試問歐公應可否相形鄧尉並橫斜憑參疎影

生香趣未許歌鶯語燕譁不種牡丹種梅朶殫財人亦厭繁華

高旻寺行宮卽事

塔影遙瞻碧水隈北來駐蹕又南來風光一日更春夏俛仰  
幾時經往迴燕蹴殘紅點瑤席鶴行濃綠印蒼苔江城晚晚  
猶牽輿隄外蘭舟且漫催

策馬過寶應縣

乾隆二十二年

闔閭坐露冕猶覺隔河遙傍岸泊蘭楫觀民揚玉鑣人煙依  
舊庶灾疫以時消  
去歲江南經災後疫氣復盛行至秋方解籲禱吾雖久還因

天眷邀



卽事

南關五里及車邏建牖原虞異漲多不免下河猶被潦修防  
調劑竟如何

去年數壩未過水澤國因之幸告豐黃弱全淮出清口卻教  
嫁禍宿靈虹

文遊臺

周覽城闈每繫舟緩催珠勒度秦郵郊東尚有高臺見宋代  
聞因雅會畱何必當時嗟祿薄卻教終古羨文遊龍眠結構  
應多事試問今還藉畫不

震筋祠

蚋嘍何能致命戕撲緣露處上聲亦何妨訛傳自是因彰善實

錄芳蹤惜失唐

揚州府志稱唐時露筋烈女亦謂安貧守節而已俗乃訛為蚊蚋所嚙露筋而殞蓋屬附

會云

車邏壩

邗溝納眾水分流入江海唐宋始起隄興廢亦時改自此事

益紛鮮安率多殆黃奪淮之後其危斯更倍堰牖日以高田

盧釜底在疏浚豈易言尾大屢中罷或有慮下河堅閉志弗

悔下河曾小益逢年歌樂愷

河臣高斌增築天然壩障洪河東流運河東隄車邏等壩得以

堅閉下河州縣連歲豐稔後遇湖河盛漲狂於成見啟放失時遂致潰決癸酉秋為霖持前議不

懈叶

豈知偶幸耳決癰乃大潰

叶

蠲賑縱亟救接踵災乙亥

嗟我憚獨民蕩析心驚駭旋爲停南巡蘇民飭邑宰今來問  
民瘼春流盡浼浼耕作羣趁時遙遙三秋待奠川無良謀吾  
慙所以乃

邵伯湖

東陵艾西白南新城北甓四湖通謝傳遺休擬召公我適乘舟經  
澤國修防宣蓄慮何窮

香阜寺

鎮過東山蔽芾棠畫艦卓午泊維揚莊嚴靈鷲標臺麓又名小五  
起伏來龍分蜀岡古佛參來雖似悟萬民視處祇如傷新  
河十里羣商濬敬上調貧聽豈妨從香阜寺易輕舟由新河直抵天寧寺行宮乃羣商

新開既表敬公之心且去歲藉此以工代賑頗益貧民故聽之

天寧寺

天寧門外天寧寺最古花宮冠廣陵指月禪枝閱百代度經  
阿閣聳三層親民乍爲去聲思蘇軾傳法何須問慧能我自多  
憂非獨樂豈能香界鎮吟憑

天寧寺行宮作

行館招提右韶春駐翠華所欣無藻績頗足賞清嘉絲柳纒  
舒葉玉梅已放花謝家風雅近率欲罷吟又

雨中遊平山堂

麥穎新抽正資澤梅英乍擢雅宜遊可教古寺徒吟謝遂使

重修揚州府志 卷之二  
平山不問歐隄柳垂垂度烟重篷筠淅淅入寒浮微嫌絲管  
饒繁會咫尺林泉負冥搜

寄題二十四橋

如帶如虹廿四臚千秋名勝擅江都或存或廢今兮古移汝  
移揚歐與蘇畫意詩情景無盡春風秋月趣常殊每因想像  
聊成句歷覽何曾蹕爲紉

蓮性寺

一朵花宮結淨因周環綠水漾波新歌臺畫舫何妨鬧恰是  
亭亭不受塵

觀音山

右拱平山嶠遐臨廿四橋古原詠文士今半屬禪寮法雨鏡  
中落天花雲外飄憑窗尤暢意綠野潤新苗

平山堂

西寺西頭松竹深歐陽舊蹟試游尋江南山色秀無盡二月  
韶光美不禁四字簷端垂

聖藻

康熙四十四年  
賜賢守清風額

千秋座右揭官箴春巡處處

前微仰到此尤厘顛俊心

第五泉

有冽蜀岡上春來玉乳新可識品泉者非關姓陸人

張又新  
品此爲

第五

慧因寺

竺蘭結宇綠川濱  
棹返平山一問津  
禪衲已知因是慧  
試言慧復是何因

塔灣行宮恭依

皇祖詩韻

廣陵風物久繁華  
下下翻堪樹五麻  
可識古今不同俗  
由來中外莫非家  
沿堤弱柳搖金縷  
映砌芳梅綴玉花  
樸斲總存昔年制

奎章曾是戒紛奢

高旻寺

河干啟梵域塔影矗高旻  
兩字騰鴻號千秋煥

寶文

寺名康熙四十二年所賜

莊嚴開像設清淨悅聲聞頂禮祝

慈壽都梁颺瑞芬

自高旻寺行宮再遊平山堂卽景雜詠六首

前朝煙棹寧耽玩  
供帳因他率已陳  
自是晴明山色好  
重教游騎策高旻

富庶從來說廣陵  
滿城絲管映街燈  
唐風擬合崇淳約  
謀食

貧人慮失憑

商人習為侈靡其技巧役之貧民藉以餬口者甚眾亦損有餘補不足之道若令如唐魏儉嗇

則土著益艱於謀食故不之禁

春風行館憩天寧  
早見平山黛色青  
便進湖船漾新碧  
且看

夾岸畫爲屏

一株綠柳一紅欄絲緯沿隄引木蘭小令還輸蘇氏軾

蘇軾有三

過平山下小詞東山未擬謝家安

潤含新麥綠塍寬恰是淮東第一觀試想風流賢太守詎因歌舞助清歡

蜀岡游罷催歸轡畫鷁原遲十里餘

是日自高旻寺行宮策馬度郡城至天寧行宮

易湖船歸亦仍之以馬便於船且百姓得以近光也船馬北南殊所習始知古語信非虛

### 塔灣行宮恭依

### 皇祖示江南吏韻

豫游傳夏諺巡狩載虞經政典關休助

化工贊毒亭韶春方駘蕩品物早流形宣澤惟良吏毋孤清蹕

停

### 渡江駐蹕天寧寺

春江浪息曉風輕片刻瓜洲跋馬行舟易長川廣陵近岸臨別館午天晴詎緣問景常探勝要爲籌河便趨程舞榭歌臺都不繫繫吾懷者是民情

### 游平山堂

卓午行宮頗無事偷閒一再至平山花辭駘蕩紅紛雨林報清和綠可攀逾月風光易爾許千秋吟詠檢其間何當向者

留新什早泐茗華待我還

命築高郵城外石隄詩示董事諸臣

河水日以高河隄日以起漾舟渡高郵城廬見隄底無計使  
之與隄平生靈所繫驚心視前度淮城命砌石茲審緩急畧  
可恃無已下策仍用之糜帑固非所惜已愧我猶無疏濬能  
責人盡職斯非理鞏固崇墉保障資費期實用而已矣

運河行

運河之水東南流催漕風向西北遞風水胡乃太相運造物  
節宣有好意順水行舟南者欣順風揚帆北者遂是謂天地  
之大公往來無不資利濟順風復希順水人不知足矣聽斯

議

過寶應縣

乾隆二十七年

古縣闡閭濱運河安宜三度此經過艤舟策馬從民願

每至城市

多捨舟策馬過之欲以觀民亦從民所願也就日瞻雲聽彼歌昨歲雖云被災小  
僻鄉寧鮮向隅多越隄邏壩原林立蒿日修防竟若何

過高郵州

黃龍曉發近孟城上岸乘驄按轡行綺袂珩紉卻虛飾黔圉  
黎繞驗真情早知江國民居庶且喜槐街米價平歷閱攬軍  
隄復舊

州屬攬軍樓隄工上年七月為風暴衝嚙旋即堵築今周視一律完固

迴思去歲尚心

驚

文遊臺

穹若高臺出樹看五賢當日此盤桓猶傳東郭文遊處不異  
西園雅集觀稱勝以人詎以地尚論平聲為羨那為嘆千秋俎  
豆輿情頌元祐寧須做好官

題露筋祠

烈女唐時傳露筋米襄陽誌有佳文若論平聲茹苦冰霜操畫  
棟雕梁寧所欣

香阜寺

過岱多平陸臨江得小山伏龍知有角香阜蓋蜀爾伏脈見豹底論  
斑畫舫於斯易易輕舟遂達天寧寺行宮花宮祇是閒行齋知已近五載

隙駒間

天寧寺壘前作韻

柰苑香花集禪侶

慈寧萬壽祝如陵似茲那可異端闕但彼誰臻最上層忘所入  
流佛惟寂遇佳得句我猶能論民便欲論其苦廿七年來心  
是憑

駐蹕天寧寺行宮作

別館天寧古寺邊居停許就舊材便雖然商力非民力但覺  
今年勝昔年墨斗硯山足遣逸琪花瑤草底須妍省方更切  
還淳意不為怡然為憮然

哈薩克陪臣到因攜觀廣陵風景

哈薩朝正貢馬頻路遙遲到值南巡因教馳驛來江國便挈  
行春閱綺闈昔歲觀光稱使者辛未準噶爾使臣曾命至蘇州賜諭爾時準噶爾尚未勦滅  
哈薩克原屬準夷不通中國也今番優賚實陪臣廣陵鄂畚哈薩克地名何南北  
總我心懷保赤人

題九峯園

策馬觀民度郡城城西池館暫游行平臨一水入澄照錯置  
九峯出古情雨後蘭芽猶帶潤風前梅朶始敷榮忘言似汎  
武夷曲同異何須細致評

游平山堂即景雜詠八首

九峯園畔換輕舟古郡城西初度游二十四橋雖莫辨紫薇  
猶足緬風流

樓臺絲管廣陵擅廿里雙隄隙地無幼孳老扶恣瞻就吾心  
所喜在斯夫

陪臣賀節大宛朝侍衛攜來不憚遙便許隨觀都踴躍無文  
徑說踐紅橋

舟移岸轉換歌聲早見平山翠黛橫五載流陰纔瞥眼越豪  
今日是吟情

一脈西來總蜀岡安名立字定何妨東山偏自稱功德蓮界  
因之禮法王



瀑泉淳浥落雲空宛轉輕輿有路通對峙雙峯度雲棧笑他

望蜀太求工

是地有雙峯雲棧之名

山堂小憩引遐思論世端宜尚友茲漫惜梅花開未盛看梅

恰合是斯時

閨藏芳信待維揚霽旭和風了不涼綠蕙紅襟爭放色平山

今日識春光

### 題平山堂

賢守建堂鄰大明

輿地志堂在大明寺側

江南山色與簷平家聲讓彼

稱三至朋盍欣茲近四并

三至堂曾肇建四并堂韓琦建皆見志書

古往今來總

佳話松風水月那閒情林泉不異前巡況一卷真教畫裏行

### 第五泉

平山堂畔石欄圍甲乙由人弗是非三度平臨收勿幕勞民

勸相慎幾微

### 蜀岡

何山不自西南來崑崙地脊支派開參軍文賦具卓識圖經  
地紀拘墟皆茱萸灣口進輕舫平山堂上聊徘徊遙想當時  
賢太守二三良友相追陪還淳返樸豈無意要當因民為化  
裁廣陵繁華今倍昔蜀岡地少多樓臺歐陽廉近吾廉遠近  
者艱致況遠哉居今誌古豈易事蜀岡之述因興懷

### 題蓮性寺

江都城北多陂澤水物由來清且奇瀟灑青蓮宇標性交蘆  
同悟合還離

游倚虹園因題句

虹橋自屬廣陵事園倚虹橋偶問津鬧處笙歌宜遠聽老人  
年紀愛親詢柳拖弱縷學垂手梅展芳姿初試嘖預借花朝  
為上巳

是處舊名虹橋修禊  
明日即花朝故云

冶春慣是此都民

題淨香園

滿浦紅荷六月芳慈雲大小水中央無邊願力超塵海有喜  
題名曰淨香結念祇須懷爛漫洗心雅足契清涼片時小憩  
移舟去得句高齋興已償

青琅玕館喜成口號

萬玉叢中一徑分細飄天籟迥干雲忽聽牆外管絃沸卻恐  
無端笑此君

趣園

偶涉亦成趣居然水竹鄉因之道彭澤從此擅維揚目屬高  
低石步延曲折廊流雲憑木榻喜早晤宦光

亭中木榻甚古  
樸刻趙宦光題

流雲二字及董其昌陳繼儒  
題語雖屬偽作頗愜幽賞

再游平山堂

時節逮花朝百卉舒韶光駐蹕有餘暇爰再遊山堂遠迎坡  
梅紅近拂隄柳黃夾隄多名園時復一徜徉遇佳輒畱題好

真仙揚州府志 卷之二  
樂亦戒荒畫舫不知遙至止大明寺名在山旁迴出適所逢  
試問因何芳地勝究以人罕然懷歐陽既乃怵然懼得毋誚  
馮唐

高詠樓

高樓蘇蹟久羶薌今古風流翰墨場八詠遙年符瘦沈一時  
同氣近歐陽山堂返棹閒畱憩畫閣開窗納景光卻憶髯翁  
擬擱筆似聞翁語正何妨

慧因寺

金粟如來是慧雲迴超緣覺與聲聞猶嫌靈運爲饒舌孟顛  
精勤底足云

塔灣行宮再依

皇祖詩韻

二月東風桃始華南巡本意厓桑麻郡城甫過甘泉市行館  
還依法苑家澤國今其足衣食廣陵古漫詡煙花牖民不藉  
重申命

皇祖詩篇早戒奢

塔灣行宮再依

皇祖示江南吏韻

別館運河側南巡此重去聲經閒看閱書史樂不在池亭惟切  
肝宵志匪耽月露形申咨大小吏有惠莫屯停

重修揚州府志 卷之二十一 三月晦日錦春園卽景

名園瓜步傍江濱綵艚凌江到及晨梅朶落同  
莫莢盡麥芒潤逼菜花新鳥言似惜芳菲意  
石態全含淺澹皺綠柳紅桃流水閱錦春  
卽景恰婪春

罨畫窗

塔灣行宮旁室曲折臨水致有佳趣因以避暑  
山莊內窗名之

虛窗正對綠波涯名借山莊號水齋卻似石渠  
披妙蹟水容山態各臻佳

駐蹕天寧寺行宮

江浙豫遊返淮揚信宿畱景光及春尾民物尚  
吳頭真樹絕勝古新軒那藉修畢然思謝傳千  
載鎮風流

去日梅花發歸時梅子青流陰迅如此行館暫  
為停靜趣相酬答清機泯色形花宮坐調御萬  
古自天寧

大觀堂六韻

行館天寧側文櫬額大觀省方協中正設教戒  
遊盤式展九歌義匪求一已安增華稍踵事為  
媿不因歡去歲在京聞維揚行館視前巡  
頗有增葺召鹽政高恒入京面飭則稱建置已  
成不能更罷今來駐蹕實覺過華不為喜也  
商財詎可殫舜巡知弗逮禹德繼誠難

四月朔日遊平山堂

畫舫輕移邗水濱人思六一重遊巡陰陰葉色今迎夏袞袞  
花光昨餞春巧法底須誇激水商人引水為飛瀑激為釣突高尺餘雖稱新巧頗失天真  
淳風惟是慙去聲投薪江南山可平筵望望豈因山因憶民

閱金灣六牖書事

湖西下河東行潦患必速運河挾以南歸江路宜議豈嘗無  
牖壩尺寸未詳計譬如受以尺洩丈斯得濟受丈而洩尺弗  
壅定致潰昨過金灣時切切慮莫置重臣命踏勘昨以高寶湖河入江之路未暢命大學士劉統勳等先行相度議以金灣加寬引河中牖改建石壩西灣落低滾壩各條分立標識今舟次接閱悉協機宜果如所言弊相商事解更一一建標記灣頭洩水暢  
壁虎無多地鳳凰兩岸陡宜皆姑舍是叶所重金灣壩壩寬

河窄曩宣達實罕暢應與疏展暨東灣既落低事在乾隆二十二年西

灣當並治亦應落低三尺今親臨視猶以為高命再落三尺引河更拓寬俾有建瓴

勢我欲步履視細雨風帆利闔閭歷攬全進止授次第即今

東灣低河水流未泊云以待漲時春時漲弗至何不先抽薪

揚湯勞止沸是宜重審度亦寧執已意欲使常時湖水入運

容夏潦然其有無礙運道則俟再商然此猶治標根源吾熟思在洪湖五壩其

故曾屢示苟其清口暢是皆可勿慮叶其如蓄清言深中河

督甚蓄而鮮致害願從吾無悔清口靳弗拓小小頻從事信

其功難成猶將患屢試

重修揚州府志卷之二

